

Сургъулин джилиг бүрдәнъгъүгъяр эклхмн

Эн джил мана Халъмгтанъгъ чд эрдм-сургъулин тѳрулим ик дѳд ѳсдж-ѳргдждѳнѳ. Урдк джилд арви нѳѳми минъгъ шаху сургъульчир бѳѳси болхла, эн джил гучи минъгън кѳн сурхми. Оли минъгън багъчудт боли бичкдѳдт коммунистическ сургъмдж ѳгх тѳрик чинртѳ государственн тѳрмѳн.

Тер тѳлѳд, тиим учрарчиги мана ѳвр Тѳрски орн-нутг, Коммунистическ партъ боли Советск правительств эн тѳрт тасрхан уга килмджтѳ онъган ѳгцхѳнѳ.

Эн джилд мана танъгъчд зурагъар диглгдснъ 213 школмуд, тер тоод: дундин боли кѳцс биш дундин 74 школ, эклцин 139 школмуд кергтѳ болджана. Тел школмудар утуршдан 993 классмуд кѳдлхми. Тедниг райодар йилгъхлѳ ним: цугъарагъаснъ оли школта Сарпинск районд 34 школ кѳдлхми. Цѳѳкн школта гих район Каспийскд—7 школ кѳдлхми. Наадк нѳѳми райодар 172 школмуд кѳдлхми. Эн тоотар шиндждѳд хѳлѳхлѳ, тер школмудиг цагланъ сургъулин джилд белдлгън элдѳ ик чинртѳнъ тодрха медгднѳ.

Они-они совхозмуд боли сельсоветсѳр сургъулин джилд ѳлгѳр-ѳзмдж болмар, болзгаснъ ѳми белдцхѳси оли школмуд манд бѳѳнѳ. ѳлгѳринъ келхд, хѳ ѳсглгънѳ 4-ч совхоз— „Нугъра“ гидг газрт бѳѳси дундин школ (школин директорнъ ѳр Корогод М. И.). Эн школ альк нег хамгарн, тѳлѳн-усарн чигн, багшир бѳѳх герѳр чигн тегш белн.

Бас тер школ мет сѳѳнѳр сургъулин джилд 107-ч совхоз—Воробьевск селѳнд бѳѳх дундин школ белдси бѳѳнѳ (директорнъ ѳр Чмырев К. М.). Эн школмуд белдлгъни тѳриг эврѳннъ гартан авад шундж кѳдлсидѳн, олиг школ белдлгънѳ кергт бѳрдѳсидѳн сѳн ашта-болджана.

Сургъулин шин джилд кегдждѳх белдвриг шиндждлхлѳ, танъгъчд ода чигн йир икѳр ард хоцрдж йовх кесг райод

бѳѳнѳ. Сургъулин джил эклхнъ ѳѳрддж йовна.

Болв танъгъчин эрдм-сургъулин отдел, сургъулин шин джил тосдж кегдждѳх белдврин кѳдлмшиг йир муугъар гардджана. Тер дотр, танъгъчин эрдм-сургъулин отделин толгъачин дарук, эн тѳрѳр шишлиъ кѳдлждѳх ѳр Седунова нег ѳлѳ муугъар кѳдлджѳнѳ.

Райодин зѳрм парторганизацс эн тѳриг эврѳннъ гартан баттагъар авад уган учр бас бѳѳнѳ. ѳлгѳрнъ, Сарпинск районд школмуднъ сургъулин шин джилд нургълдж белн болад уга бѳѳцхѳнѳ. Каспийск районд болхла ганцин Рыжковск долан джилѳ школ белн болдж. Болв зуг эн школин бийнъ кѳдлмштѳн ода чигн оли дутудунд йовдлмудта.

Сургъуль эклх кѳртл цѳѳкн ѳдрмѳд ѳлдв. Сургъулин шин джилд белдвр келгънѳ кѳдлмшт дуту-дунд йовдлмуд оли. Кесг школмуднъ кергтѳ хамг зер-зевѳр, нам бичкдѳд сууцхах партар чигн тетггдѳд уга. Эн тѳрт оли улсин онъг-нилч орцадж, ода ѳлден ахр цагин эргцд дуту-дундинъ уга кедж, сургъулин шин джилиг цагланъ бѳрдѳмджтѳгъяр эклхиг тетгхми.

Райодин партийн, комсомольск боли профсоюзн организацс ѳдгѳ цагт эрдм-сургъулин тѳрмѳдиг эврѳннъ гардврас хѳѳгъѳцхѳх зѳв уга. Кѳч-кѳлсчирин депутатирин районн Советс, района эрдм-сургъулин отделс, эн тѳрмѳд кѳцѳлгъяр нег ѳлѳ даалгъвр дааджацхана. Селѳнѳ боли райо-на Советин депутат болгън онц даалгъвр авч, школмуд белдлгънд ик онъган ѳгч, хурц нѳднъ болх учрта.

Кѳч-кѳлсч олиг эн тѳрт кѳчтѳ кевѳр бѳрдѳдж, эрдм-сургъулин халхд ѳдгѳ цагт бѳѳх дуту-дунд йовдлмудиг тѳргѳр уга келгън, сургъулин шин джилиг сѳн белдвртѳгъяр тослгън, тѳрѳн болдж райодин парторганизацсин туслиъ эркин-чинртѳ тѳрмѳднъ.